

*Cap. 34. Verum pastorem Christum  
promittit.*

**EZECHIEL.**

*Cap. 35. Montis Seir futura  
destructio.*

12. Sicut visitat pastor gregem suum in die, quando fuerit in medio ovium suorum dissipatarum: sic visitabo oves meas, & liberabo eas de omnibus locis, in quibus dispersae fuerant in die nubis, & caliginis.

13. Et educam eas de populis, & congregabo eas de terris, & inducam eas in terram suam: & pascam eas in montibus Israël, in rivis, & in cunctis sedibus terræ.

14. In pascuis uberrimis pascam eas, & in montibus excelsis Israël erunt pascua eiarum: ibi requiescent in herbis virentibus, & in pascuis pinguibus pascentur super montes Israël.

15. Ego pascam oves meas: & ego eas accubare faciam, dicit Dominus Deus.

16. Quod perierat requiram, & quod abiectum erat reducam, & quod confactum fuerat alligabo, & quod infirmum fuerat consolidabo, & quod pingue & forte custodiam: & pascam illas in iudicio.

17. Vos autem greges mei, hæc dicit Dominus Deus: Ecce ego iudico inter pecus & pecus, arietum, & hircorum.

18. Nonne fatis vobis erat pascua bona depasci? insuper & reliquias pascuarum vestrarum conculcastis pedibus vestris: & cum purissimam aquam biberetis, reliquam pedibus vestris turbabatis.

19. Et oves meæ his, quæ conculeata pedibus vestris fuerant, pascebantur: & quæ pedes vestri turbaverant, hæc bibebant.

20. Propterea hæc dicit Dominus Deus ad vos: Ecce ego ipse iudico inter pecus pingue, & macilentum:

21. pro eo quod lateribus, & humeris impingebatis, & cornibus vestris ventilabatis omnia infirma pecora, donec dispergerentur foras:

22. salvabo gregem meum, & non erit ultra in rapinam, & iudicabo inter pecus & pecus.

\* *Isaie 40.* 23. \* ET SUSCITABO SUPER EAS PASTOREM UNUM, qui pascat eas, servum Osee 3. 5. meum David: ipse pascet eas, & ipse erit eis in pastorem.

*Ioan. 1. 45.* 24. Ego autem Dominus ero eis in Deum: & servus meus David princeps in medio eorum: ego Dominus locutus sum.

25. Et faciam cum eis pactum pacis, & cessare faciam bestias pessimas de terra: & qui habitant in deserto, securi dormient in saltibus.

26. Et ponam eos in circuitu collis mei benedictionem: & deducam imbre in

tempore suo: pluviae benedictionis erunt.

27. Et dabit lignum agri fructum suum, & terra dabit germen suum, & erunt in terra sua absque timore: & scient quia ego Dominus, cum contrivero catenas iugorum, & eruero eos de manu imperantium sibi.

28. Et non erunt ultra in rapinam in Gentibus, neque bestiæ terræ devorabunt eos: sed habitabunt confidenter absque ullo terrore.

29. Et suscitabo eis germen nominatum: & non erunt ultra imminuti fame in terra, neque portabunt ultra opprobrium Gentium.

30. Et scient quia ego Dominus Deus eorum cum eis, & ipsi populus meus dominus Israël: ait Dominus Deus.

31. \* Vos autem greges mei, greges \* *Ioan. 10.* 11. & 15. pascua meæ homines estis: & ego Dominus Deus vester, dicit Dominus Deus.

**C A P U T   X X X V .**

*Montis Seir sive Idumeorum futura vastatio, eò quod populum Dei affixerunt.*

1. **E**T factus est sermo Domini ad me, dicens:

2. Fili hominis pone faciem tuam adversum montem Seir, & prophetabis de eo, & dices illi:

3. Hæc dicit Dominus Deus: Ecce ego ad te mons Seir, & extendam manum meam super te, & dabo te desolatum atque desertum.

4. Urbes tuas demoliar, & tu desertus eris: & scies quia ego Dominus.

5. Eò quod fueris inimicus sempiternus, & concluseris filios Israël in manus gladij in tempore afflictionis eorum, in tempore iniquitatis extremae.

6. Propterea vivo ego, dicit Dominus Deus: quoniam sanguini tradam te, & sanguis te persequetur: & cum sanguinem oderis, sanguis persequetur te.

7. Et dabo montem Seir desolatum atque desertum: & auferam de eo euntem, & redeuntem.

8. Et implebo montes eius occisorum suorum: in collibus tuis, & in vallibus tuis, atque in torrentibus interfecti gladio cadent.

9. In solitudines sempiternas tradam te, & civitates tuae non habitabuntur: & scient quia ego Dominus Deus.

10. Eò quod dixeris: Duæ gentes, &

duæ

*Cap. 36. Promittit Israëli liberacionem à Gentibus.*

**EZECHIEL.**

*Cap. 36. Beneficia in Indeos collata.*

6. idcirco vaticinare super humum Israël, & dices montibus, & collibus, iugis, & vallibus: Hæc dicit Dominus Deus: Ecce ego in zelo meo, & in furore meo locutus sum, eò quod confusionem gentium sustinueritis.

7. Idcirco hæc dicit Dominus Deus: Ego levavi manum meam ut Gentes, quæ in circuitu vestro sunt, ipsæ confusionem suam portent.

8. Vos autem montes Israël ramos vestros germetis, & fructum vestrum affratis populo meo Israël: prope enim est ut veniat:

9. Quia ecce ego ad vos, & convertar ad vos, & arabimini, & accipietis sementem.

10. Et multiplicabo in vobis homines, omnemque domum Israël: & habitabunt civitates, & ruinosa instaurabuntur.

11. Et replebo vos hominibus, & iumentis: & multiplicabuntur, & crescent: & habitare vos faciam sicut à principio, bonisque donabo maioribus, quæ habuistis ab initio: & scietis quia ego Dominus.

**C A P U T   X X X V I .**

*Quia populus Dei erat in opprobrium Gentibus, eò quod propter sua peccata dispersi essent in captivitatem, dicit Dominus, non propter illum, sed propter se reduximus eum in terram suam; quodque super ipsum effundet aquam mundam, faciens eum in suis preceptis ambulare, magnaque frui felicitate.*

1. **T**U autem fili hominis propheta super montes Israël, & dices:

\* *Sap. 6. 3.* \* Montes Israël audite verbum Domini:

2. Hæc dicit Dominus Deus: Eò quod dixerit inimicus de vobis: Euge, altitudines sempiternæ in hereditatem datæ sunt nobis:

3. propterea vaticinare, & dic: Hæc dicit Dominus Deus: Pro eo quod desolati estis, & conculcati per circuitum, & facti in hereditatem reliquis Gentibus, & ascendistis super labium linguæ, & opprobrium populi:

4. propterea montes Israël audite verbum Domini Dei: Hæc dicit Dominus Deus montibus, & collibus, torrentibus, vallisbusque & desertis, parietinis, & urbibus derelictis, qua depopulata sunt, & subfannatae à reliquis Gentibus per circuitum.

5. Propterea hæc dicit Dominus Deus: Quoniam in igne zeli mei locutus sum de reliquis Gentibus, & de Idumæa universa, quæ dederunt terram meam sibi in hereditatem cum gaudio, & toto corde, & ex animo: & eiecerunt eam ut vastarent:

\* *Isaie 52.* 18. Et effudi indignationem meam super eos pro sanguine, quem fuderunt super terram, & in idolis suis polluerunt eam.

19. Et dispersi eos in Gentes, & ventilati sunt in terras: iuxta vias eorum, & adinventiones eorum iudicavi eos.

20. Et ingressi sunt ad Gentes, ad quas introierunt, & \* polluerunt nomen sanctum meum, cum diceretur de eis: Populus Domini iste est, & de terra eius egressi sunt.

*Rom. 2. 24.*

Aaaa 3

21. Et

21. Et pepercis nomini sancto meo, quod polluerat domus Israël in Gentibus, ad quas ingressi sunt.

22. Idcirco dices domui Israël: Hæc dicit Dominus Deus: Non propter vos ego faciam, domus Israël, sed propter nomen sanctum meum, quod polluistis in Gentibus, ad quas intrastis.

**FER. 4.  
POS T  
DOM. 4.  
QUADR.  
EPIST. 1.**

23. Et sanctificabo nomen meum magnum, quod pollutum est inter Gentes; quod polluistis in medio earum: ut sciant Gentes quia ego Dominus, ait Dominus exercituum, cùm sanctificatus fuero in vobis coram eis:

24. Tollam quippe vos de Gentibus, & congregabo vos de universis terris, & adducam vos in terram vestram.

25. Et effundam super vos aquam mundam, & mundabimini ab omnibus iniquisamentis vestris, & ab universis idolis vestris mundabo vos.

\*  
<sup>Supr. II.</sup>  
19.

26. \* Et dabo vobis cor novum, & spiritum novum ponam in medio veltri: & auferam cor lapideum de carne vestra, & dabo vobis cor carneum.

27. Et spiritum meum ponam in medio veltri: & faciam ut in præceptis meis ambuletis, & iudicia mea custodiatis, & oportemini.

28. Et habitabitis in terra, quam dedi patribus vestris: & eritis mihi in populum, & ego ero vobis in Deum.

29. Et salvabo vos ex universis iniquisamentis vestris: & vocabo frumentum, & multiplicabo illud, & non imponam vobis famem.

30. Et multiplicabo fructum ligni, & genimina agri, ut non portetis ultra opprobrium famis in Gentibus.

31. Et recordabimini viarum vestrum pessimarum, studiorumque non bonorum: & displicebunt vobis iniquitates vestrae, & sceleris vestra.

32. Non propter vos ego faciam, ait Dominus Deus, notum sit vobis: confundimini, & erubescite super vias vestris, domus Israël.

33. Hæc dicit Dominus Deus: In die, quæ mundavero vos ex omnibus iniquisamentis vestris, & inhabitari fecero urbes, & inlauravero ruinosam,

34. & terra deserta fuerit exulta, quæ quondam erat desolata in oculis omnis viatoris,

35. dicent: Terra illa inculta, facta est ut hortus voluptatis: & civitates desertæ, & destitutæ atque suffosæ, munitæ fuderunt.

36. Et scient Gentes quæcumque derelictæ fuerint in circuitu vestro, quia ego Dominus ædificavi dissipata, plantavique inculta, ego Dominus locutus sum, & fecerim.

37. Hæc dicit Dominus Deus: Adhuc in hoc invenient me domus Israël, ut faciam eis: Multiplicabo eos sicut gregem hominum,

38. ut gregem sanctum, ut gregem Ierusalem in solemnitatibus eius: Sic erunt civitates desertæ, plena gregibus hominum: & scient quia ego Dominus.

## C A P U T   X X X V I I .

*In figura aridorum ossium reviviscentium, designat filios Israël, qui de omni profperitate desperant, reducendos in terram suam: & per duo ligna coniuncta significat unum fore regnum Iuda & Israël, qui sub uno rege ac pastore David observaturi sint mandata Domini, qui cum ipsis pactum feriet sempiternum.*

**F**acta est super me manus Domini, & eduxit me in spiritu Domini: & dimisit me in medio campi, qui erat plenus ossibus:

S A B B .  
PENTEC.  
PROPH. 6.

2. Et circumduxit me per ea in gyro: erant autem multa valde super faciem campi, siccaque vehementer.

3. Et dixit ad me: Fili hominis putasne vivent ossa ista? Et dixi: Domine Deus, tu nosti.

4. Et dixit ad me: Vaticinare de ossibus istis: & dices eis: Ossa arida audite verbum Domini.

5. Hæc dicit Dominus Deus ossibus his: Ecce ego intromittam in vos spiritum, & vivetis.

6. Et dabo super vos nervos, & succrescere faciam super vos carnes, & superextendam in vobis cutem: & dabo vobis spiritum, & vivetis, & scient quia ego Dominus.

7. Et prophetavi sicut præceperat mihi: factus est autem sonitus, prophetante me, & ecce commotio: & accesserunt ossa ad ossa, unumquodque ad iuncturam suam.

8. Et vidi, & ecce super ea nervi, & carnes ascenderunt: & extenta est in eis cutis desuper, & spiritum non habebant.

9. Et dixit ad me: Vaticinare ad spiritum, vaticinare fili hominis, & dices ad spiritum: Hæc dicit Dominus Deus: A qua-

quatuor ventis veni spiritus, & insuffla super imperfectos istos, & reviviscant.

10. Et prophetavi sicut præceperat mihi: & ingressus est in ea spiritus, & vixerunt: steteruntque super pedes suos exercitus grandis nimis valde.

11. Et dixit ad me: Fili hominis, ossa haec universa, domus Israël est: ipsi dicunt: Aruerunt ossa nostra, & periit spes nostra, & abscessi sumus.

12. Propterea vaticinare, & dices ad eos: Hæc dicit Dominus Deus: Ecce ego aperiam tumulos vestros, & educam vos de sepulchris vestris populus meus: & inducam vos in terram Israël.

13. Et scient quia ego Dominus, cùm aperuero sepulchra vestra, & eduxero vos de tumulis vestris popule meus:

14. Et dederò spiritum meum in vobis, & vixeritis, & requiescere vos faciam super humum vestram: & scient quia ego Dominus locutus sum, & feci, ait Dominus Deus.

15. Et factus est sermo Domini ad me, dicens:

16. Et tu fili hominis sume tibi lignum unum: & scribe super illud: Iudæa, & filiorum Israël sociorum eius: & tolle lignum alterum, & scribe super illud: Ioseph ligno Ephraïm, & cunctæ domui Israël, sociorumque eius.

17. Et adiunge illa, unum ad alterum tibi in lignum unum: & erunt in unionem in manu tua.

18. Cùm autem dixerint ad te filii populi tui loquentes: Nonne indicas nobis quid in his tibi velis?

19. Loquens ad eos: Hæc dicit Dominus Deus: Ecce ego assumam lignum Ioseph, quod est in manu Ephraïm, & tribus Israël, quæ sunt ei adiunctæ: & dabo eas pariter cum ligno Iuda, & faciam eas in lignum unum: & erunt unum in manu eius.

20. Erunt autem ligna, super quæ scripseris in manu tua, in oculis eorum.

21. Et dices ad eos: Hæc dicit Dominus Deus: Ecce ego assumam filios Israël de medio nationum, ad quas abierunt: & congregabo eos undique, & adducam eos ad humum suam.

\*  
<sup>Ioan. 10.</sup>  
16.

22. \* Et faciam eos in gentem unam in terra in montibus Israël, & rex unus erit omnibus imperans: & non erunt ultra duæ gentes, nec dividentur amplius in duo regna.

23. Neque polluentur ultra in idolis suis, & abominationibus suis, & cunctis iniquitatibus suis: & salvos eos faciam de universis sedibus, in quibus peccaverunt, & emundabo eos: & erunt mihi populus, & ego ero eis Deus.

24. \* Et servus meus David rex super eos, & pastor unus erit omnium eorum: in iudiciis meis ambulabunt, & mandata mea custodient, & facient ea.

<sup>II.</sup>  
<sup>Jer. 23. 5.</sup>  
<sup>Supr. 34.</sup>

25. Et habitabunt super terram, quam dedi servo meo Iacob, in qua habitaverunt patres vestri: & habitabunt super eam ipsi, & filii eorum, & filii filiorum eorum, usque in sempiternum: & David servus meus princeps eorum in perpetuum.

26. \* Et percutiam illis foedus pacis, \*  
<sup>Psal. 109.</sup>  
pactum sempiternum erit eis: & fundabo eos, & multiplicabo, & dabo sanctificationem meam in medio eorum in perpetuum.

<sup>2.</sup>  
<sup>Ioan. 12.</sup>

27. Et erit tabernaculum meum in eis: & ero eis Deus, & ipsi erunt mihi populus.

28. Et scient Gentes quia ego Dominus sanctificator Israël, cùm fuerit sanctificatio mea in medio eorum in perpetuum.

## C A P U T   X X X V I I I .

*Habitantibus post redditam captivitatem securè filii Israël in oppidis suis, adducet Dominus in novissimis diebus contra eos Gog cum ingenti exercitu: sed & hunc cum suo exercitu multis cladibus postea consumet.*

1. E T factus est sermo Domini ad me, dicens:

2. \* Fili hominis pone faciem tuam \*  
<sup>Infr. 39.</sup>  
contra Gog, terram Magog, principem  
capitis Mosoch, & Thubal: & vaticinare de eo.

<sup>1.</sup>  
<sup>Apoc. 20.</sup>  
7.

3. & dices ad eum: Hæc dicit Dominus Deus: Ecce ego ad te Gog principem capitis Mosoch & Thubal,

4. & circumagam te, & ponam frenum in maxillis tuis: & educam te, & omnem exercitum tuum, equos & equites vestitos loricis universos, multitudinem magnam, hastam & clypeum arripientium & gladium.

5. Persæ, Æthiopes, & Libyes cum eis, omnes scutati & galeati.

6. Gomer, & universa agmina eius, domus Thogorma, latera Aquilonis, & totum robur eius, populique multi tecum.

7. Præ-